

Yeshua un Israelita; E Humilde di Dios!!!

Yakob tabata un **Herederu** for di **nasementu**. Dikon **Yakob** a bringa ku **Dios**? Akinan nos ta **mira kiko tradukshon di e Palabra ta hasi**. E **Lei (Torah)** i e **Profetanan** ta skirbi na **Hebreo** i loke a wordu **tradusí** na Ingles, hulandes of papiamentu **no ta laga abo mira tur e Esensia di e Enseñansa**. E **Hòmber** ku **Yakob** a **Lucha** kuné tabata un di e **Arkangelnan di Dios**. Tur esnan **Humilde** ta risibi e **Esensia** aki. **Yeshua un Israelita; E Humilde di Dios!!!**

Yeshua un Israelita; E Humilde di Dios!!!

Felis esnan **Humilde di Kurason; Reino di Shelu** ta pa nan. (**Mateo 5:3**). i komo **Moises** tabata un **hòmber mashá Humilde**, esun di mas **Humilde** di tur hende riba **mundu**, (**Numbernan 12:3**). **Rèspèt di SEÑOR ta Siña** hende kon bira **Sabí**, mester ta **Humilde** promé ku **risibí Honor**. (**Proverbionan 15:33**). Enkambio, hende **Humilde** lo bira **doño** di e **Tera** pa **semper** i lo **Gosa** di un **Pas Kompleto**. (**Salmo 37:11**).

Yeshua un Israelita; E Humilde di Dios!!!

Awor aki den **2021** abo por ta **puntra** abo mes, kon dor di ta **Humilde** ta yuda abo **awendia**? Abo ta un **Humilde di Dios**?

Abo ku ta un hende **Humilde** a **Realisá** ku abo lo ta **doño** di e **Tera** pa **semper**? **Abo** ku ta un hende **Humilde**, mester **Komprendé** ku **Alabansa** i **Adorashon** ta un **Arma**, un **Spada** den abo su man pa **bringa** e **enemigu** (**Salmo 59:9**). **Alabansa** i **Adorashon** ta trese abo den **Presensia di Dios Tata** (**140:1-4**) i ku **Rèspèt** pa **Dios Tata** ta **Siña** abo kon bira **Sabí** i haña **Poder**. Pasobra **Dios** no a duna abo un **Spiritu di kobardia**, pero di **Poder**, **Amor** i **Dominio Propio**. (**2 Timoteo 1:7**). **Awor** por husa e **palabra Poder** komo un **abreviashon** ku ta **PODER!!!**

Awor ki e **abreviashon PODER** ta nifiká pa abo?

P ta nifiká abo tin e **abilidat** pa **Prevalese** riba e **diabel** (**Revelashon 12:7-8**).
O ta nifiká abo tin e **abilidat** pa **Oprimi** e **diabel** (**Romanonan 8:31-39**).
D ta nifiká abo tin e **abilidat** pa **Derota** e **diabel** (**Juan 16:33**).
E ta nifiká abo tin e **abilidat** pa **Eksaltá** riba e **diabel** (**Hebreonan 5:4-10**).
R ta nifiká abo tin e **abilidat** pa **Reina** riba e **diabel** (**Salmo 47:8; 93:1-2; Revelashon 11:15-17**).

E PODER aki solamente ta di abo, si abo ta un **Humilde di Dios!!!**

Asina ta: **Realisá**, **Komprendé** i **Konfia** riba **Dios** ku abo tin **E PODER**, **E PODER** pa **Vense** e **enemigu** i su **demoñonan** (**Filipensenan 4:13**), pasobra den tur kos, abo ta mas ku **Vensedór**, dor di **Yeshua un Israelita; E Humilde di Dios** ku ta **Stima** abo. (**Romanonan 8:37**). Abo ta e **Humilde di Dios**, meskos ku **Abraham** i **Moises** tabata **Humilde na Dios**. **Awor Abraham** i **Moises** ta **hòmber nan Hebreo**. Asina tambe ta **Yeshua un Israelita; Yeshua E Hebreo di Dios!!!**

5 desèmber 2021

Sea Bendishoná ku e **Amor** di **Dios Tata; Yeshua Mesias**
Un Fiel Sirbidó di Dios,
Remsly L Riley.